

EUSKAL-ERRIA

REVISTA VASCONGADA

T.^o LXVI

SAN SEBASTIÁN 29 DE FEBRERO DE 1912

N.^o 1051



JOSÉ MANTEROLA jauna

† 1884-KO OTSAILLA-REN 29-AN



JOSÉ MANTEROLA JAUNA

IL ZAN 1884-KO OTSAILA-REN 29-AN

R. I. P.

OGEITA zortzi urte dira, gure artetik alde egin zuela EUSKAL-ERRIA-ren lenengo zuzendari eta euskal-zale pizkor, sutsu eta bikañak.

Beste geyenentzat urtiak igarotsia, beren izenak artutzia izaten da. Ez ordia Manterola-ren izen atsegiñentzat. Arren izen maitagarria geruago eta geyago oroitzen da; euskararen alde egin zituen lan gogoangarriak, geruago eta geyago goitutzen dira.

EUSKAL-ERRIA-ri bizia eman zion. «Euskal-itx jostaldien Batzarrea» sortu zuten jaun argidotarrenetako bat zan; eta bai Batzar onek, eta bai EUSKAL-ERRIA-k ere, arren ganako naitasun bero eta sutsua gordezten dute.

Bere erakuspen asko jakiñak goguan daukazkigu beti, ez zaizkigu beñere aztuko. Berak erakutzitako bideari jarraitu nai diogu gagotik. Eta ez diogu ezeren gatik bide orri alde egingo; bada or guazen bitartian ondo guazela badakigu.

Gure maisua izan zan, eta oraindik ere gure maisutzat daukagu. Alako maisuakin ez gera galduko.

Bere eriyotzako urte mугan eskeintzen diogu oroipen chiki au, eta denbora berean Jaunari otoi egiten diogu bere animaren alde.

Manterola il zan; baña guretzako bizi da oraindik bere erakuspen gogoangarriakin.

Guretzako illezkorra da.

EUSKAL-ERRIA

